

## PALOWICE - SZCZEJKOWICE

### Gdzie to jest?

Palowice i Szczekowice to sołectwa położone na terenie Gminy i Miasta Czerwionka - Leszczyny w województwie Śląskim.

### Jak dojechać?

Można dojechać autostradą A1 - kierunek Gorzyczki, zjeżdżając na Rybnik, Rudę Śląską. Następnie na rondzie w prawo w kierunku Stanowic, aż do kolejnego ronda a na nim w lewo. Bądź też autobusami MKK linia 312 z Żor lub Czerwionki – Leszczyn.

### Początek questu:

Parafia Trójcy Przenajświętszej,  
ul. Woszczycka 17a, Palowice.

Czas przejścia questu: rowerem ok 2-3h.

*\* Uwaga: historia nie do końca prawdziwa.*

Quest został stworzony w ramach projektu "Młodzi. Kreatywni. Aktywni" realizowanego przez Fundusz Lokalny RAMZA oraz przy współfinansowaniu przez Unię Europejską w ramach Europejskiego Funduszu Społecznego.

Młodzież gminy przygotowała 4 ścieżki questowe w sołectwach: Bełk, Książenice -piesze oraz Palowice - Szczekowice, Stanowice - rowerowe.

Przejdźcie wszystkich Questów i zebranie 4 pieczętek na ulotkach uprawnia do odebrania upominku od opiekuna Questów - Funduszu Lokalnego "Ramza". W tym celu prosimy o kontakt poprzez e-mail: [fundusz@ramza.org](mailto:fundusz@ramza.org)

szynk. Godali na niygo „Bar pod \_\_\_\_\_”, bo rosły przy nim te drzewa.

Aż im ślina pociykła i wartko polecili do dźwierzy, ale okozalo się że tyn szynk boł downo zamkniynty. Jeszcze pora lot tymu przyjydzni mogli tam spać, masa było tam bali, weselisk i tańców. A terozki chałpa świyciła pustkom. Na cołki szczyńście kedy odwrócili się zadkiym do baru, zauważyli, że som tu jeszcze trzi budki z jodłem. Poszli ku jednemu z warzywami i tam obpytali się kaj som. Panoczek kiery sprzedol im trocha gruszek i tomatów, miol swoje konie, to tyż kedy dowiedziol się, że Sztefa to je cera ksiyńcia łod razu użyczył im jednego konia i pojechali szynśliwi ale i dyc trocha zestrachani do dom.

*Ty z nimi nie wracasz, jedziesz dali, bo tam kolejno historia się zaczyna. Poszukaj na mapie siódymki.*

7. Sztefa cało w nerwach razem z Alojzem poszli do ij fatra i łona pedziała mu o wszystkim – o ich miłości, źródetku i starym szynku. Ksiyńciu wreszcie zrozumioł, że z miłościom niy wygro,

pobłogostawioł im i zorganizowol im ślub we pobliskij kapliczce, kaj patronuje jedyn świnty chop, patron od rodzin. Specjalnie do młodych obstrojono jom jak na Boże Ciało i chneda zakochańce poszli do żenioczki. Ludzie gibko zapomnieli to tym, że Alojz chcioł jeszcze niedowno być farorzyczkiem.

*Pozaglondej na ta kapliczka i dobrze poszukej, a szybko odgadniesz to kim to mowa: jego na dzwonie sie znajduje, rodzinami łon sie opiekuje, zerknij tam yno, zobocz kto to taki, uzupełnij swoij wiedzy braki.*

*Tera możesz jechać dalej.*



8. Kedy dzwon wybił piyrso godzina ich małżynstwa, goście pojechali bryczkami pod góra prosto ku karczmie „Borowik” na nowszym końcu wsi, beztóz nazwali jom Nowo Wieś, zaś młodzi wyłażonc z kaplicy poszli na prawo żeby se jeszcze trocha poszpacerowac i nacieszyć sobą.

*Ty tyż skieruj się tera w ta zajta, obejrzysz to samo co oni.*



Kedy tak spacyrowali przy Straży Pożarnej nad ich łepami przeleciały dwa boćki, co jak powszechnie wiadomo oznaczo, że na pewno niydlugo we familiji pojawią się jakeś bajtla. Popatrzeli ku górze a tam na kuminie było gniezdo łod tych boćków, z kierego wystowwały małe łepki łod cwylingów. Pora lot późni, kedy Sztefa i Alojz mieli swoje bajtliki, łotwarto pod tym gniezdem plac, na kerym mogą bawić się te najmłodsze z familije.

*Jak się w dobro strona obrócisz to przeczytosz ze tera tyn plac nazywo sie*

„\_\_\_\_\_”

*Jak już wiysz jak się tyn plac nazywo to ruszej dalej, na weselisko.*

9. Ale to ni ma koniec tej historyji. Wracając jeszcze do tygo dnia, w kerym Alojz wzion ślub ze Sztefom, goście już ni mogli



doczekać się kedy przidom młodzi do karczmy to tyż zaczi balowac bez nich. Kedy Sztefa z Alojzem w końcu znojdl się we karczmie wszyscy się fest fajnie bawili. Weselisko się udao i zapoczątkowalo pojawienie się za pora miesięcy małego bajtla, kery późni władoł tymi ziemiami, aż do końca panowania.

No! I dotar żeś do końca! Jeszcze yno napisz co to je za fajny grzib, kiery je zbiryany w tutejszych lasach i bar jego nazwom je mianowany.

*Plac na sztympel:*



# Questing

*„Typowy Alojz i szfarno Sztefa  
- Miłość od piyrszego wyjrznio”*



Posłuchaj tej historii:

downo, downo tymu, za 7 stawami, 5 lasami, paroma krzikopami i tam pora hołd tyż było, żył se chop, co na niego godali Alojz. Pochodził ton ze prawdziwej, ślonskij familije. Fater jego był grubiorz, fater jego fatra tyż był grubiorz i wszystkie jego ujce tyż byli grubiorze. Łon zaś szoł za farorzyczka.

*Drogi podróżniku rozejrzyj się tera dokoła. Pod drewnianym dachym świąnto pani stoi, trzymie miecz i kielich i grubiorzy broni. Jakie je imię tej świąntej pani? ----- Jak jużes znod ta pani to posłuchaj dalij tej historyji.*



1. Tukej w tym małym dzewiannym palowskim kościółku wszystko się zaczęło... A że prziszło na dożynki, na kozaniu farorz pedzioł, że dzisio bezmała po zachodzie słońca, jak już zacnie się ćmić, to książe (gorol) wszystkich zapraszo na bal (nie myl z fusbalym). A, że Alojz był i do tańca, i do różańca, to z pieronowom chyńciom ruszył w ta zajta.


*Z placu kościelnego tera musisz skrynić na prawo tak żebyś trafił do dworku, w kerym był tyn bal. Pamiyntej od tego mosz mapa, żeby łatwij było Ci jechać.*



2. Na baliku był fest dobry futer - były żymloki, rolady, kluski i oczywiście modro kapusta. Oprócz tego było masa gryfnych frelek, a z nimi była tyż Sztefa, cera ksiyńcia. Łona była niemożbynie szfarno. Jak jom Alojz zejrzoł, zaro otwar jedyn trunek - na odwaga. Poszoł ku nij chwyjnym ale... no po prostu poszoł...

Chwila potym wywijali na parkiecie. Zaczęło się niywinnie, niby walczyk: roz, dwa, trzi, roz dwa, trzi, a za czwartym kusiorek. I tak szartnyła wielko miłość. Zaro odwidziało się Alojzowi bycie farorzym. Wszystko byłoby dobre, kiejby niy fater Sztefy, kery pedzioł: "Stefanio, czy Tyś do reszty zwariowała?! Jesteś świadoma jaką hańbę przyniosłabyś na naszą rodzinę wiążąc się z tym Alojzem?! Przecież on miał zostać księdzem!" Jak powszechnie wiadomo miłość je ślepo i niy nosi breli. Tak wiync Sztefa powadziła się ze fatrym, a tyn zawar jom na wiyży we środku lasa. Zaro jak yno Alojz sie dowiedzioł to tym, siod na konia i pojechał w las, aże sie za nim kurzyło.

*Jak żeś już sam zajechoł to zgadnij co to: Widzisz go kole dworku, drzew i trowy je tam wiela, mocesz sie w nim siednonć na ławce, jak każdy hanys w niedziela:*



*Jak już wiysz co to je, to jedź dalij.*

3. Gynał jak wjechał do lasa zaczęło się ćmić. Czarne jak wongiel chmury przistoniyły piykne słońce. Zaro po tym zerwoł się wiater, a wioł tak mocno, aże Alojzowi zerwało mycka z łepy i wyciongło koszula z galot. Kieby tego było mało z tych czornych chmur polecioł dyszcz, kidało jak nigdy... Jo wom godom, szkoda tygo Alojza było, motało nim we wszystkie zajty, aż biydny chop zlecioł z konia i wpod do przikopy. Umazany i ufifrany wszelkiym złym tego świata, zaczął lamentować: „Pieerroona eerooona feerona! Czamu wszystko je przeciwko mie?!”. Oroz to Alojz



wejżoł miyndzy krzoki i znoloz dzewianny krziż. Jako, że miał iś za farorza to wiedzioł, że jak je trwoga to trza do Pónbóczka. Wartko podł na klynczki i zaczął godać na głos modlitwy. W tyn czos jak przez płaczki wzywoł do miłosyrdzia Pana, wiater przestoł wioć, dyszcz przestoł loć, a miyndzy drzywami Alojz ujrzoł promiynie słońca. Podziynkowoł Pónbóczkowi i już wiedzioł, że tyn siy niy gninywo, a błogostawi miłości Alojza i Sztefy.

W końcu Alojz wejżoł miyndzy krzoki i znoloz dzewianny krziż, a wycie jak ton sie nazywoł? Poszukejcie dobrze tej nazwy. *„Jest to krzyż -----, wzniesiony przez palowickich robotników - gichciarzy w połowie XIX w.”*



4. Zaś wloz na konia i jechoł, jechoł tyn nosz Alojz. Mijoł lasy, łąki, pola, jyziora, aż w końcu nad wiyrchami drzyw ujrzoł dach wiyży (to jest czwarty punkt naTwoji mapce).

Na oko miał jeszcze ze kilometr, ale droga była w pierony dziurawo i rozmoczono, że zloz z konia i szoł daliy piechty, a było już pod wieczór. Jak tak szoł to wpatrywoł sie durch w ta wiyża, czekał co by w jakim oknie wejżyć Sztefy.

Pech chcioł, że synek nie doł se pozór, że lezie brzegiym stowu, kaj po ćmoku czatowały utopki! Jak go naroz dwa chyciły za szłapy! Alojz gichnył gymbom prosto w zol, aże huk poszoł echym po jyziorze! Utopce zaczęły go ciongnąć do wody. A wydowały przy tym takie dźwinyki kerych niy do siy rady opisać. Narobiły tela larma, że Alojz ani nie wiedzioł kaj je. Nie bójcie siy! Alojzowi nic się nie stało. Jak jużech wom godoł na samym poczontku, jego fater i cołko mynsko czynić familije to byli grubiorze, a jak powszychnie wiadomo grubiorze to som twarde i mocne chopy, to tyż mimo, że Alojz miał być farorzym, to po fatrze odziedziczył postura. Jak się odwinyl to utopek zebroł taki szlag na pysk, że wyfurgoł na drugi brzyg stowu. Tyn drugi jak to wejżoł, to z podkulonym łogonym pitoł kaj piyprz rośnie. Potym już na spokojnie podloz do wiyży, zawołod Sztefa, a ta cołko zapłakano skoczyła mu z łokna do rąk, przez co oba się obalili i skulali prosto do błota, po ulywie.

*Jak żeś je ciekaw, kaj żeś je to porozglondej sie i poszukej takij wielkij mapy i tam na pewno sie doczytosz że Gichta znajduje się na obszarze ----- palowskigo.*

5. Byli cołki umazani, ale wyndrowali dali, ważne że już razym. Sztefa jak siy okozao tyż fest mu przajała, yno że ij fater tyn stary przyk

niy chcioł się zgodzić na ich ślub. Tak idąc i łosprowiając to różnych rzeczach przed ich ślepiami pokozao się źródółko. Jo ni wiym jak łoni je zejrzeli, bo było małe i fest skryte w krzokach. Z jednyj strony z jakigoś kamiynia woda leciała ciurkiym to se ij trocha wypili, a była naprowda pyszno, zaś konsek daliy gibko się umyli. Sztefa trocha naiwno frelka pomysłała se, że to źródółko pewno jest zaczarowane, a jak yno pado o tym fatrowi, to może w podziynkowaniu pozwoli ij być



z Alojzem. W końcu, ta dobro woda znojdała się w lasach ksiyńcia, wiync bydzie jeszcze bardzi bogaty. Padała o tym Alojzowi ale tyn jom yno wysmiał. *Zlyż podróżniku yno na dół po schodach i sprowadź z wiela kurków leci woda, a się dowiysz wiela minut Sztefa myła gymba. -----*

*Jak mosz policzone i wpisane to mocesz jechać dalij. Strasznie musiała mieć ta gymba umazano, ni, że ją aż tela czasu płukao?*

6. Pobłądzili trocha po tych lasach ale wroz wyleźli na głównej drodze w innej wsi. Przed ich ślepiami pojawiły się piyrsze chałpy. Dlugo juz szli i chcioło im się jeść. Zaczli wiync szukać jakigoś miejsca w kierym by se pojedli. Za chwila, za zakryntym pokozao się im wiyłki